

**Siunnersuut uunga: Pinngitsuuisinnaajunnaarnermik katsorsaasarneq pillugu
Inatsisartut Inatsisaat nr. xx, xx.xxx 2018-imeersoq.**
(Peqqissutsimut, Isumaginninnermut Inatsisinillu Atortitsinnermut Naalakkersuisoq)

pillugu

Ilaqtariinnermut Peqqissutsimullu Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap sularinninnermini makku ilaasortarai:

Inatsisartunut ilaasortaq Laura Táunâjik, Siumut, siulittaasoq
Inatsisartunut ilaasortaq Stine Egede, Inuit Ataqtigiit, siulittaasup tullia
Inatsisartunut ilaasortaq Karl-Kristian Kruse, Siumut
Inatsisartunut ilaasortaq Nivi Olsen, Demokratit
Inatsisartunut ilaasortaq Malene Vahl Rasmussen, Demokraatit
Inatsisartunut ilaasortaq Mikivsuk Thomassen, Inuit Ataqtigiit
Inatsisartunut ilaasortaq Aqqa Samuelson, Inuit Ataqtigiit

UKA 2018-imi ulloq 15. oktober 2018-imi siullermeerinninnerup kingorna ataatsimiititaliap siunnersuut sukumiisumik misissorpaa.

1. Siunnersuutip imarisaa siunertaalu

Atornerluinerup pinngitsuuisinnaannginnerlu appartinneqarsinnaanerannik siunnerfilimmik suliniuteqartoqarneratigut inuiaqtigiittut ataasiakkaallu eqqarsaatigalugit annertuumik iluaqutaasinnaasoq nalunaarusiornerit misissueqqissaarnerillu kingunerisaannik siunnersuut saqqummiunneqarpoq. Pinngitsuuisinnaannginnermik katsorsaasarneq siunnersuummi qitiuvoq, pinngitsuuisinnaajunnaarnerlu imatut paasineqassaaq imigassamik, hashimik, aanngajaarniutinik allanik, aningaasanoorajunnermik tamatumunngalu eqqaanartunik atornerluineq aamma pinngitsuuisinnaajunnaarneq. Katsorsartinneq akeqassanngilaq, siusinnerusukkut suliniartoqartarnissaa siunertaavoq, katsorsartinnerlu sunniuteqassappat katsorsartereernermi ingerlaqqinnissamut pilersaarut aalajangiusimaneqartariaqarpoq. Katsorsaaneq najukkani katsorsaavinni kommunini tamani ataatsimik pilersitsiffiqeqarsimasuni: Allorfik Kujallermi (Qaqortoq), Allorfik Sermersuumi (Nuuk), Allorfik Qeqqani (Sisimiut) aamma Allorfik Qeqertalimmi (Aasiaat) aamma Allorfik

Avannaani (Ilulissat) pilersinneqassapput. 2018-p ingerlanerani Allorfik Avannaata Ilulissaniittumik katsorsaavimmik pilersitsisoqarnissaa naatsorsuutigineqarpoq. Pinngitsuuisinnaannginneq pillugu Qitiusumik ilisimasaqarfimmik (matuma kingorna Allorfik) ataatsimoorfiullunilu ataqatigiissaarisussaqaq tassaavoq Allorfik, aaqqissuussaaneermigut Peqqissutsimut Naalakkersuisoqarfiup ataani inissisimasussaqaq. Katsorsaaneerup ingerlanneqarnerata nalilersortuarneqarnissaanik qulakkeerinnissaqaq aammalu pinngitsuuisinnaannginnermut katsorsaaneermik suliniuteqarneq ingerlaavartumik ineriartortinneqartariaqarluni. Taamatuttaaq sumiiffinni katsorsaavinni sulisut suliamut attuumassutilinnik akunnattumik sivissusilimmik ilinniarsimasuunissaat pillugu piunnaasaataasqaq siunnersuummi allassimavoq assersuutigalugu perorsaasutut, ilinniartitsisutut imaluunniit isumaginninnermut siunnersortitut, pinngitsuuisinnaannginnermut katsorsaasuuniaraanni ilinniarsimasuunissaqaq pingaaruteqartuummat. Aammattaaq atonerluisunut inuit attavigineqarsinnaasut atonerluinnermut katsorsartissinnaaneq pillugu siunnersuisinnaasut aammalu katsorsartinnissamut piunnaassuseqalersitsisinnaasunik suliffeqarfinni aallartitsinnissamut siunnersuut periarfissiivoq.

2. Siunnersuutip Inatsisartunit siullermeerneqarnera

Ataatsimut isigalugu pinngitsuuisinnaannginneq pillugu siunnersuut partiinit tigulluarneqarpoq. Atonerluinnermut katsorsartinnerup akeerutsinneqarnera naammagisimaarneqarpoq. Siusissukkut pinngitsuuisinnaannginnermut pinaveersaartitsilluni suliniuteqartarnissap pingaaruteqassusia oqaluuserineqarpoq. Taamatuttaaq nunatsinni inuiaqatigiinni inuttullu atonerluinnerup kingunerisartagai pillugit ernumassutigineqartoq ilanngullugu eqqartuisoqarput. Kiisalu katsorsaaneerup inuttaasunut ataasiakkaanut tulluarsarneqarsimanissaa pingaaruteqarnera oqaatigineqarluni.

Siunnersuutip sukumiisumik immikkuualuttuinilu ataasiakkaat naliliivigineqarnissaat siunertaralugu Ilaqutariinnermut Peqqissutsimullu Ataatsimiititaliamut innersuunneqassasqaq siullermeerinnermi inernilerneqarpoq.

Peqqissaarullugu ataatsimiititaliami pisariaqartumik suliarineqarnissaata piffissaqarfiginnissaa qulakkeerumallugu aamma siunnersuummi immikkuualuttut ataasiakkaat naalakkersuinikkut eqqartorneqarnissaat Ilaqutariinnermut Peqqissutsimullu Ataatsimiititaliamit kissaatigineqarpoq siunnersuutip aappassaaneerneqarnissaa pingajussaaneerneqarnissaalu UPA 2019-imut kinguartinneqassasqaq, tamannalu akuerineqarpoq.

3. Tusarniaanermi akissuteqaatit

Tusarniaanermi akissuteqaatit inatsisissatut siunnersuummut ilanngunneqarput, tamannalu Inatsisartut Siulittaasoqarfiata iluserisassatut piunnaasaqaataanut naapertuulluni.

Inatsisissatut siunnersuut ulloq 1. november 2017-miit 6. december 2017 ilanngullugu tusarniaassutigineqarpoq, taamaattumik tusarniaanermi sivilisussusiliinermut tusarniaanermilu piffissamut atorineqartumut tunngatillugu maleruagassanut naapertuulluni.

Tusarniaanermi akissutit inatsisissatut siunnersuummut nassuiaatini nalinginnaasuni unneqqarilluni oqaatigineqarsimasut ataatsimiititaliamit maluginiarneqarpoq.

4. Apeqquteqaat

Ataatsimiititaliap siunnersuummik suliaqarnerminut atatillugu Peqqissutsimut, Isumaginninnermut Inatsisinillu Atortitsinermut Naalakkersuisumut apeqqutit arlallit akineqarnissaat siunertaralugu ataatsimiititaliamit qinnuigineqarpoq. Peqqissutsimut, Isumaginninnermut Inatsisinillu Atortitsinermut Naalakkersuisup akissuteqaataata assilineru ullulerneqarsimasoq 19. november 2018 isumaliutissiisummut matumunnga **ilanngussaq 1-**itut ilanngunneqarput.

Siunnersuummik itisiliisoqarnissaa siunertaralugu ulloq 15. marts 2019 ataatsimiititaliap arlalinnik apeqquteqarpoq.

Peqqissutsimut, Isumaginninnermut Inatsisinillu Atortitsinermut Naalakkersuisup 1. April 2019 akissuteqaataa isumaliutissiisummut matumunnga **ilanngussaq 2-**tut ilanngunneqarpoq.

5. Ataatsimiititaliap siunnersuummik suliarinninnera

Siunnersuutip tamatumalu saqqummiunneqarnera ataatsimiititaliamit ataatsimut isigalugu naammagisimaarneqarpoq.

Pinngitsuisinnaannginnerup aningaasatigut inuttullu annertuumik pitsaanngitsumik sunniuteqartarnera pissutigalugu atonerluinermut pinngitsuisinnaannginnermullu katsorsartinnerup akeqanngitsumik neqeroortigineqartalerneru innuttaasunut inuiaqatigiinnullu pingaaruteqartorujussuuvoq.

Siunnersuummik ataatsimiititaliap suliaqarnerani paasinarsivoq pinngitsuisinnaajunnaarnermillu ajornartorsiuteqarnermi uppersarsarneqarpoq, pinngitsuisinnaajunnaarnermi ajornartorsiutit kinguaariit ataatsit matuma siorna allaanerusut. Taamaalilluni katsorsaasut tamarmik oqaluttuaraat, pinngitsuisinnaajunnaarnermi ajornartorsiutit imigassamik pinngitsuisinnaajunnaarnermit sakkortunerulersimasut imaluunniit akuleriinnik pinngitsuisinnaajunnaarnerinngorsimallutik, imigassaq hashimik, nakorsaatinik, iisartakkanik aammalu naamaarneqarsinnaasunik assigiinngitsunik akoorisoqartalersimalluni. Tamatumunnga ilanngullugu pinngitsuisinnaajunnaarsimasut ukiukinnerulersimasut takuneqarsinnaavoq, aammalu takornartaajunnaarsimavoq meeqat 12-13-inik ukiullit ilami allaat qulinik ukiullit hashimik pujortartalersimasut,

imigassartortalersimasut aammalu naamaarnermik misileraasalersimasut takuneqartarneri. Inuusuttorpassuit meerarpassuillu angerlarsimaffinni atonerluisoqarfiusuni, ilaqutariinni ingerlalluannngitsuni aammalu annertuumik sumiginnaaffiusuni kiisalu taakku kingunipiluunik peroriartortut.

Taamatuttaaq katsorsaannermut neqeroorutigisartakkatta aamma katsorsaariaatsitta atonerluinerup sakkortussusaa tapersersuinermillu pisariaqartitsineq ataqatigiinnissaat aalajangiisuusoq ataatsimiititaliaq isumaqarpoq.

5.1. Sumiiffinni allorfiit

Kommunit tamarmik katsorsaannissamat neqeroorsinnaanissaat ataatsimiititaliap tapersersorpaq, naammagisimaarlugulu maluginiarlugu piviusunngortinneqareersimasoq, taamaalilluni ullumikkut kommunini tallimaasuni siunnersuutip § 11-iani naatsorsuutigineqartutut Allorfeqalersimalluni.

Tamatumunnga atatillugu katsorsartinnissamat pisariaqartitsinerit, katsorsaanerit qanoq iluatsitsiffiutiginersut, innuttaasut atugarissaarnerat aamma ataatsimut nukissat eqqarsaatigalugit allanik aammalu katsorsaavinnik katsorsaanermilu neqeroorutit aallaavigalugit kommunini pisariaqartitsisoqarnerisooq Naalackersuisut ingerlaavartumik nalilersortassavaat, soorlu tamanna siunnersuutip § 4-ni periarfissinneqartoq.

Katsorsartinnissamat neqeroorutit katsorsaaviillu ataavartuusariaqanngillat, tunngaviumillu pisariaqartitsisoqartillugu atuutissallutik.

Aalajangersimaqqissaartunik illoqarfeqarpugut, illoqarfiup immikkoortortaqluta nunaqarfeqarlutalu, aningaasaqarnikkut, katsorsaanikkut inullu aallaavigalugu, kulturikkut ingerlalluurtunik kiisalu piffissami sivisunerusumi inerititsiffiusumik katsorsaavimmik pilersitsinissamat isumatusaarnerusaaq, ataavartuusariaqanngilarli. Matumani piffinni katsorsaanerup iluatsinnissaa qulakkeerumallugu aalajangiusimaannarumallugulu, aammalu piffinni inuttut kultureqarnikkullu naleqartitat pilerseqqikkumallugit attatiinnarumallugillu. Piffinni pineqartuni ataatsimoorullugu ajornartorsiutit qaangerneqarnissaannik kissaateqarneq taakkununngalu pissutaasut sulissutiginerisa kingunerissavaat pineqartuni ataatsimoorussamik piumassutsip pitsaasup atuutlernissaa.

Atonerluinermi- imaluunniit pinngitsuuisinnaannginnermik ajornartorsiutit pillugit Naalackersuisumik oqaloqateqarnermi atonerluinermut katsorsaaneq atonerluiuannaarsimanerup aalajangiusimaannarneqarnissaata ingerlatiinnarneqarnissaanut ujartuutitigaluni aamma atonerluisup qanigisai angerlarsimaffianullu tunngatillugu siunnerfilimmik suliniuteqartoqartariaqartoq ataatsimiititaliamit eqqumaffigineqarpoq. Katsorsartissimasoq illoqarfigisaminut angerlarsimaffimmut ingerlalluarfiunngitsumut

qanigisanullu uternermini, atornerluineq tamatumunngalu pissutaasut sulii ingerlaarpata inuttut unamminartuusinnaavoq atornerluinngitsumillu inuunerup attatiinnarnissaanut akornutaasinnaalluni. Taamaattumik inuit ataasiakkaat atornerluinerannut katsorsaanermut peqatigitillugu pingaaruteqarpoq pineqartup ilaqutaasa katsorsartinnissamut pisariaqartitsinerat ujartuinikkut misissorneqarnissaa piffinni ilanngullugu atornerluinerup qanigisaasullu atornerluinerannut pissutaasut aallunneqarnissaat pisariaqarpoq, assersuutigalugu nunaqarfik illoqarfilluunniit tamakkerlugit eqqarsaatigineqarsinnaapput. Ajoraluartumi takussutissaqarpoq Nunatsinni sumiiffinni imaluunniit qanigisariinnermi assersuutigalugu hashimik aningaasanoormilluunniit pinngitsuuisinnaajunnaarneq ima sakkortutigisoq, tamatuma aaqqinneqarnissaa pillugu allaat immikkut ataatsimoortillugit suliniarfigineqartariaqarlutik. Tamanna nungutittariaqarparput, kingornussat nuanninngitsut ingerlalluannngitsullu kipitilluigit.

5.1.1. Allorfiup ataani katsorsaanerit katsorsaariaatsillu.

Allorfiup ataani katsorsaanerit katsorsaariaatsillu qulequtaralugit Peqqissutsimut, Isumaginninnermut Inatsisinillu Atuutsitsinnermut Naalakkersuisoq ulloq 3. maj 2019 ataatsimiititaliap paasissutisseeqatigiilluni oqaloqatigiinnertalimmik ataatsimeeqatigaa. Matumani katsorsaanermi pitsaassutsip pissarsiaqaataaneratalu uppersarsarneqarnissaa pillugu ilisimasaniq paasissutissanilu pissarsinissaq siunertarineqarluni.

5.1.2. Ulloq 17. maj 2019-imi katsorsaasunik namminersortunik ataatsimeeqateqarneq

Katsorsaasunik ukiuni arlalinni sulinermik misilittagaqartunik assigiinngitsunillu pinngitsuuisinnaajunnaarnernut katsorsaasartunik ulloq 17 maj 2019-imi ataatsimiititaliaq oqaloqateqarpoq. Taamatuttaaq matumani katsorsaanermi pitsaassutsip pissarsiaqaataaneratalu uppersarsarneqarnissaa pillugu ilisimasaniq paasissutissanilu pissarsinissaq siunertarineqarluni.

5.1.3. Allorfiup tamanna kisermaatissangilaa kisermaattusnaanagalugu.

Naalakkersuisunik namminersorlutillu katsorsaasunik ataatsimeeqateqarnerup ataatsimiititaliamut aalajangiisunngortippaa, pinngitsuuisinnaajunnaarnermik katsorsaanermi Allorfiup aamma namminersorlutik katsorsaasut inuiaqatigiinni assigiimmik atorneqartariaqarnerannik. Katsorsaanermi neqeroorutit katsorsaariaatsillu amerlassusaasa qaffassarneqarnissaat qulakkeerneqartariaqarpoq. Pinngitsuuisinnaajunnaarnernut suliniuteqarnermi nukit atorneqarsinnaasut tamarmik aamma assigiinngiiaartumik katsorsaariaaseqarnissaaq pisariaqarpoq.

5.2. Utaqqisarnerit

Nunatsinni innuttaasoq atornerluinerup katsorsartinnissamik kissaateqartoq, pineqartup katsorsartinnissaata aallartinnissaanut piffissaq qanoq sivilutigitigisarpa? Piareersarnermi

unammilligassat eqqaassanngikkaanni, atornerluisuunerminik nassuerutiginninnerup katsorsartinnissamillu pisariaqartitsinerup ullualunnguit ingerlanerini katsorsartinnissamut neqerooruteqartoqartariaqartoq peqatigisaanillu suliniutit kiisalu pineqartup ilaqutai neqeroorfigineqartariaqartut ataatsimiititaliaq tunngaviatigut isumaqarpoq

atornerlueqqajaanermut atornerluinermilu ajornartorsiutinut minnerunngitsumillu taakkununga pissutaasunut immikkut suliniuteqarnissaq piffinni qanoq annertutigisumik pisariaqartinneqarnerisq takuneqarsinnaatillugu illoqarfigisami tamatigut politikikkut nalilersuinissaq pisariaqartoq taamatuttaaq ataatsimiititaliaq naapertorlugu atornerluinermut katsorsartinnerup aallartinneqarnerani ingerlanneqartariaqarpoq.

Assersuutigalugu imigassamut hashimullu imaluunniit taakkua akuleriissillugit atornerluinermut katsorsartinnissamut utaqqisarnermut atatillugu Naalakkersuisut politikikkut anguniagartik siunnersuutip aappassaaneerineqarnissaanut nalunaarutigissagaat Naalakkersuisut qinnuigineqarput.

Innuttaasut katsorsartinnissamut pisariaqartitsisut piviusumik qanoq sivisutigisumik utaqqisarnerat Naalakkersuisut anguniagaannut naapertuunnersoq kiisalu atornerluinermut ajornartorsiutit atornerlueratarsinnaanerillu piffinni politikikkut aalajangerssimasumik iliuuseqarfiginissaannut Naalakkersuisunut kaammattuutigineqassaaq, taamaaliornikut nunaqarfini, illoqarfinni imaluunniit nunap immikkoortuini assersuutigalugu hash, imigassaq tassunga ilanngullugu spritsi aamma annertuumik aningaasasoorajuttuunerup piffinni annertusinnaanera siunnerfilimmillu suliniuteqarnissaq aappassaaneerinissamut ilanngullugu nassuiaatigeqquneqarpoq.

5.3. Katsorsartinnissamut neqerooritit sapinngisamik annertunerpaamik pisariaqartitsinermut naleqqutuussapput

Katsorsaanermut neqerooruteqartarnermut tunngatillugu innuttaasunut marloqiusamik nappaataasa suussusersiniarneqartarnissaannut, pingaartumik napparsimasut naatsorsuutigisaat piviusullu aallaavigalugit sullinneqarnissaat katsorsarneqarnissaanillu neqeroorfigineqartarnissaannut siunnerfilimmik suliniutinik aallartitseqqullugit Naalakkersuisut ataatsimiititaliamit immikkut kaammattorneqarput. marloqiusamik suussusersiuinermi inuit tarnimikkut napparsimaatigalutik pinngitsuuisinnanngitsusut/atornerluisuusut pineqarput.

Ataatsimut isigalugu imigassaq pillugu politikkip pinaveersaartitsilluni suliniutinut ilaatinneqarnerata pingaaruteqarmat ataatsimiititaliamit erseqqissaatigineqassaaq. Imigassap inuiaqatigiini kalaallini akuerisaanera akueralugu innuttaaqataasunut allanut pinerliinermik kingunilimmik aalakoorniutiginagu, aammalu imigassanik imertarneq pisiniartarnerlu pilersuisusaaatitaanermut isumassuisinnaanermullu aningaasatigut kingunerlutsitsinnginnissaa

siunertaralugu peqqinnartumik oqimaaqatigiissumillu imeriaaseqarnissaq imernermilu pitsaasumik ileqqulersuuteqarnissaq pingaarutilimmik nunatsinni piumasagarfiuvoq.

Inatsisissatut siunnersuut una ataatsimut imigassaq pillugu politikkimut ilaaginnarpoq. Imigassaq pillugu politikimi sukkulluunniit ilaapput imigassaq pillugu inatsit atuuttoq, imigassamut akitsuutit kiisalu pinaveersaartitsinermut suliniutit iliuusissallu kiisalu atornerluinermut pinngitsuuisinnaannginnermullu tunngatillugu inatsit.

Nunatsinni politikki ingerlanneqartoq takorluukkallu ataqaatigillutillu piviusorsiortuusariaqarneri ataatsimiititaliamit eqqumaffigeqquneqarpoq.

Inuiaqatigiinni peqqinnerulernissaq, sumiginnaasarnerup annikillisinneqarnissaa kissaatigineqarpat, imigassaq pillugu politikimut ingerlanneqartumut naapertuuttariaqarpoq, taamaaliornikkut imigassaq pillugu politikki ingerlanneqartoq innuttaasut peqqinnerulernissaannut sumiginnaasarnerullu annikillisinneqarnissaanut atatillugu kissaatigineqartumut akornutaannginniassammat.

5.4. Inatsisip atuutilerfia.

Siunnersuut ulloq 1. Januar 2019-imi atuutilissasoq siunnersuummi siunnersuutigineqarpoq.

Siunnersuutip aappassaaneernejarnerata pingajussaaneernejarneratalu kinguartinneqarnerisa malitsigisaanik siunnersuut UPA 2019-p kingorna sapinngisamik piaartumik ajornanngippallu kingusinnerpaamillu 1. juli 2019 siunnersuutip atuutilernissaa ataatsimiititaliamit inassutigineqarpoq, siunnersuutip matuma pingajussaaneernejarnissaanut allannguutissatut siunnersuummik aammalu ajornanngippat siunnersuutip aappassaaneernejarnerani saqqummiusseqqullugit Naalakkersuisunullu qinnuigineqarput. Pineqartumi kingusinnerusukkut maleruagassanik atuutilersitsisoqarnissaa naatsorsuutigalugu katsorsaanissamik neqeroorutit ataatsimiititaliamit akuerineqarsinnaapput.

6. Siunnersuutip aningaasatigut kingunerisassai

Siunnersuutip piviusunngortinnerani aningaasatigut kingunerisassai siunnersuummut nalinginnaasumik oqaaseqaatini allaaserineqarput. Pinngitsuuisinnaannginnerup kingunerisaanik nunatsinni peqqinnissaqarfimmumut isumaginnittoqarfimmullu toqqaannartumik aningaasartuutit, aningaasarsiat annaaneqarnerisigut kiisalu pinerlunniartoqartarneratigut ukiumut 250 aamma 316 mio. kr.-inut naatsorsorneqarsimasut tassani allassimavoq. Tamatuma saniatigut toqqaannanngikkaluartumik aningaasartuutit atornerluinerullu kingunerisaanik kingunerluutit kisitsisilernejarsinnaanngitsut qularutissaanngitsumilli amerlasoorpassuit ilanngunneqassapput.

Atornerluinermut katsorsartinneq siumut isigisumik pisortanut sipaaruteqarnermik kinguneqassaaq.

Taama oqariartuuteqarneq eqqortuusoq ataatsimiititaliamit neriuutigineqarpoq, suliniutillu ingerlateqqinneqarnissaasa piviusunngortinniarnearnerannut ataatsimiititaliaq tapersersuivoq.

Atornerluinerup annertunerujussuanut inuiaqatigiinnilu pinngitsuuisinnaannginnerup annertunerujussuanut pissutaasut siunnerfilimmik sulissutigineqarnissaa aammalu assersuutigalugu imigassaq pillugu politikkip inunnut imigassamik atuinermik imerajuttuunermik ajornartorsiutilinnut imeriaatsimik ajornartorsiutilinnut sunniuteqarsinnaasup attatiinnarneqarnissaa tamatumunnga atatillugu aalajangiisuuvoq.

Siunnersuutip piviusunngortinneqarnerani aningaasatigut kingunerisassai siunnersuummut nalinginnaasumik oqaaseqaatini nassuiarluarneqarsimavoq. Atornerluinermut katsorsartinnissamut aningaasat atugassat konto pingaarnermut ataatsimut inissinneqarsimasut oqaatigineqarpoq. 2017-imut Aningaasanut Inatsimmut tunngatillugu aningaasanut inatsisissap suliarinerani atornerluinermut katsorsartinnissamut 5,9 mio. kr.-inik ilasisoqarpoq, taamaalilluni 2017-imut Aningaasanut Inatsimmi konto pingarneq 34.11.08-mi katillugit 37 mio. kr.-t sinneqalaarput aammalu ukiuni naatsorsuiffiusuni 35,2 32,3 aamma 33,7 mio. kr.-iullutik.

Siunnersuutip aningaasatigut kingunerisassaanut tunngatillugu saqqummiunneqartut ataatsimiititaliamit tusaatissatut tiguneqarput.

7. Ataatsimiititaliap inassuteqaatai

Siunnersuut pillu eqikkaalluni ataatsimiititaliaq ima oqaaseqassaaq:

- Pinngitsuuisinnaajunnaarnermut katsorsaasarnermut aamma katsorsaanerup akeqartussaannginnera pillugu maleruagassiuunneqarnissaa ataatsimiititaliamit isumaqatigiittumik tapersersorneqarpoq. Siunnersuummi matumani kapitali 1-imi aamma 2-mi siunnersuummi § 5 imm. 3-p pitsaanerumik ilusilersorneqarnissaa ataatsimiititaliamit kissaatigineqarpoq, tamatuma kinguneranik innuttaasut kikkulluunniit Kalaallit Nunaanni katsorsaasunik katsorsaariaatsinillu akuerisaasunik tunngaviummik atuisinnaaqullugit.
- Pinngitsuuisinnaajunnaarnermut atornerluinermullu akiuiniarluni pitsaaliuilluni suliniutinut annertuumik iliuseqarnissap saniatigut, aningaasatigut nukissatigullu inunnut atornerluisoqarfiusunullu annertuumik iliuseqartoqartariaqarpoq.

- Ilaqutariit, attavigisartakkat aamma qanigisat kiisalu inuk ataaseq kisiat pinnagu, ataatsimut isigalugit katsorsartinnissamut neqeroorutit aamma pitsaaliuinermi suliniutit ataqatigiissumik tamakkiisumillu ingerlanneqarnissaat qulakkeerneqartariaqarpoq.
- Ullumikkut ingerlanneqartut Kalaallit Nunaanni atonerluisarneq pillugu katsorsaaneq, katsorsaariaatsit katsorsaanermilu najoqqutassiat Allorfimmit kisermaassilluni ingerlanneqannginnissaat qulakkeerneqartariaqarpoq.
- Siunnersuummi kapitali 3-miit qummut qulakkeerneqartariaqarpoq, innuttaasunik, ilaqutariinnik imaluunniit atonerluisoqarfinnik, atonerluisoqarfinnulluunniit attuumassuteqartunut katsorsaannissamik neqerooruteqartut namminersortut atorneqarnerisa annertusarneqarnissaat qulakkeerneqartariaqarpoq.
- Uppernarsaasussaaitaanermut piumasagaatinut tunngatillugu Allorfimmut sanilliullugu periarfissatut allatut katsorsaasut namminersortut taamatuttaaq periarfissaqartariaqarput. Pinngitsuuisinnaajunnaanermut katsorsaannissamut neqerooruteqartut piumasagarfigineqarsinnaapput, tunngaviatigulli Allorfittulli suliaminnik ingerlatsisariaqarsinnaallutik taamaaliornikkut inuiaqatigiit ilisimasaannik piginaasaannillu atuisinnaalissallutik.
- Innuttaasut atuisoqarfiillu katsorsarneqartut eqqarsaatigalugit matumani siunnersuummi annertunerusumik sunnuteqarnissaat aamma katsorsaariaatsinik katsorsartinnissamullu neqeroorutinik annertunerusumik atuinissaat qulakkeerneqartariaqarpoq.
- Naalakkersuisut siunnersuummik, siunnersuutaqqaartup siunertaanik allannguiffiunngitsumik suliarinninnerminni nangitsinerminni ataatsimiititaliap kissaataanik naapertuutsitsiniarlutik Naalakkersuinikkut inatsisilerinikkullu siammassissumik sinaakkuserneqartarput. Katsorsaasartunut namminersortunut tunngatillugu sullissinissanut isumaqatigiissutit imaluunniit sultanik naammassinnissinnaanermut isumaqatigiissutit qanoq atorneqarsinnaaneri isumaliutigineqarsinnaapput, soorluttaaq pisariaqartitsineq naapertorlugu siunnersuummik pingajussaaneerinissaq UKA 2019-imut kinguartinneqarsinnaasoq imaluunniit pinngitsuuisinnaajunnaarneq pillugu katsorsaasarnermut tunngatillugu naalakkersuinikkut anguniakkat akuersarneqarsinnaallutik naammassineqarlutillu.

Qulaani taaneqartut ataatsimiititaliap kissaataanut Naalakkersuisut allannguutissatut siunnersuummik saqqummiussippata siunnersuut akuerineqassasoq **ataatsimiititaliap isumaqatigiittup** inassutigaa.

Taama oqaaseqarluni isumaliutissiissummilu oqaatigineqartunut paasinnilluni siunnersuut ataatsimiititaliap aappassaaniigassanngortippaa.



Laura Táunâjik
Siulittaasoq



Stine Egede
Siulittaasup tullia



Nivi Olsen




Mikivuk Thomassen

Karl-Kristian Kruse



Malene Vahl Rasmussen



Aqqa Samuelsen